



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 9 Zakona o eksproprijaciji nekretnina u Brčko distriktu BiH (Službeni glasnik Brčko distrikta BiH, brojevi: 18/18 – prečišćeni tekst i 30/20), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, broj: 54/18 - prečišćeni tekst i brojevi 17/20 i 24/20) i Prijedloga odluke gradonačelnika Brčko distrikta BiH broj predmeta: 22-001229/19, broj akta: 01.1-1413EK-025/21 od 4. 11. 2021. godine, Skupština Brčko distrikta BiH, na 17. redovnoj sjednici održanoj 1. decembra 2021. godine, donosi

## **ODLUKU O UTVRĐIVANJU JAVNOG INTERESA**

### **Član 1**

Utvrđuje se da je izgradnja puta prema šehidskom mezarju u MZ Ograđenovac, u Brčkom, od javnog interesa za Brčko distrikt BiH, na zemljištu označenom kao katastarska parcela broj: 2725 k. o. Rahić Gornji (izlaganje) i na zemljištu označenom kao katastarska parcela broj: 875/2 (541/3) k. o. Rahić Gornji, urbano područje „Ograđenovac” u Brčko distriktu BiH.

### **Član 2**

Korisnik eksproprijacije nekretnina za izvođenje radova iz člana 1 ove odluke je Brčko distrikt BiH.

### **Član 3**

Javni interes Brčko distrikta BiH iz člana 1 ove odluke utvrđuje se u skladu s konačnim Rješenjem o lokacijskim uslovima broj: UP-I-22-001667/21, broj akta: 06-1147EZ-004/21 od 15. 9. 2021. godine, koje je izdato na osnovu Prostornog plana Brčko distrikta BiH 2007–2017., urbano područje „Ograđenovac”.

### **Član 4**

Ova odluka stupa na snagu danom donošenja i objavit će se u Službenom glasniku Brčko distrikta Bosne i Hercegovine.

Broj: 01-02-6711/21

Brčko, 1. 12. 2021. godine

**PREDSJEDNIK  
SKUPŠTINE BRČKO DISTRIKTA BiH  
Mr. sci. Siniša Milić**

Dostavljeno:

1. Predsjedniku
2. Dopredsjedniku
3. Gradonačelniku
4. Odjeljenju za prostorno planiranje i imovinskopravne poslove
5. Odjeljenju za javne poslove
6. Sektoru za koordinaciju politika i opće poslove  
-Odsjeku za opće poslove
7. Arhivi